

<b>Službeni naziv: Općina Zavidovići</b>	
Država	Bosna i Hercegovina
Entitet	Federacija Bosne i Hercegovine
Kanton	Zeničko-dobojski
Koordinate	44°26'23.5"N 18°08'37.8"E
Površina	521 km <sup>2</sup>
Stanovništvo	35.988 (2013)
Vremenska zona	Srednjoevropsko vrijeme
Klima	Umjereno kontinentalna
Poštanski broj	72 220
Pozivni broj	(+387) 32
<b>Transportna povezanost</b>	
Zenica	44 km
Sarajevo	120 km
Tuzla	80 km
Magistralni put M17	11 km
Aerodrom	80 do 120 km
<b>Zašto investirati u Zavidoviće?</b>	
<ul style="list-style-type: none"> <li>• Sporazum o slobodnoj trgovini u okviru CEFTA</li> <li>• Sporazum o slobodnoj trgovini sa Turskom</li> <li>• EU sporazum o stabilizaciji i pridruživanju</li> <li>• Stimulativna porezna politika</li> <li>• Povoljan pravni okvir za investitore</li> <li>• Niski troškovi poslovanja: struja, komunalije, itd.</li> <li>• Dugogodišnja tradicija u turističkoj industriji</li> <li>• Urađena prostorno planska dokumentacija</li> <li>• Efikasna lokalna uprava</li> <li>• Obilje prirodnih resursa (zemljišta, šume, rijeke)</li> </ul>	



**OPĆINA ZAVIDOVIĆI**  
**Služba za upravljanje ekonomskim poslovanjem i poduzetništvom**

**Ulica Safvet-bega Bašagića br. 9,  
72220 Zavidovići  
Telefon: 032/ 878-318**

**Odgovorna osoba:**  
**mr. sci. Džeraldina Miličević**  
**Pomoćnik općinskog načelnika**  
**Službe za upravljanje ekonomskim poslovanjem i poduzetništvom**



**USAID**  
OD AMERIČKOG NARODA



Ovaj letak je pripremljen zahvaljujući podršci američkog naroda putem Američke agencije za međunarodni razvoj (USAID). Sadržaj ovog materijala je isključivo odgovornost Općine Zavidovići i ne odražava nužno stavove USAID-a ili Vlade Sjedinjenih Američkih Država.



**Vodič za investitore:  
Turistički sektor**



### TURISTIČKI POTENCIJALI

Područje općine Zavidovići obiluje prirodnim bogatstvima i ljepotama, čiji se potencijali mogu iskoristiti za razvoj turizma. Izletišta i lokacije koje su pogodne za ulaganje u turizam su Kamenica i Spomenik prirode Tajan, Maoča, Buretina, Klek i izletišta Luke i Ridžali. Navedena područja pružaju mogućnosti za razvijanje selektivnog turizma: planinski, sportsko-rekreativni, lovno-ribolovni, ekoturizam, seoski turizam i sl.

### PARK PRIRODE TAJAN

Park prirode Tajan, s najvećom nadmorskom visinom od 1.297 metara, jedna je od atraktivnijih turističkih lokacija u BiH, a smješten je na tromeđi općina Zavidovići, Kakanj i Zenica. Područje Parka bogato je brojnim planinskim vrhovima, rijekama, jezerom, dugačkim podzemnim tokovima, kanjonom, vodopadima, pećinama, jamama, velikim kraškim vrelom, arheološkim nalazištima ...

Park turistima nudi mogućnost za sadržaje za svako godišnje doba, zimi na skijalištu Ponijeri, ljeti u Kamenici i na Tajanu.

### SPORTSKI TURIZAM

Tajan nudi mogućnost bavljenja mnogim adrenalinskim sportovima, cross trke, brdski biciklizam i planinarenje stazama u dužini od 200 km, speleologija (posjeta Lukinoj pećini, gdje su pronađeni ostaci izumrlog pećinskog medvjeda stari preko 15.000 godina i lokacija „Ponor kod brvnare-jama Atom“), dok dva vodopada rijeke Gostović u proljeće i jesen su lokacije koje nude izazov ekstremnim kajakašima.

Razvoj turizma leži u unapređenju sadržaja na lokalitetima 14. kilometar i Kamenica, izgradnji kupališta i sportskih igrališta na izletištu Luke, razvoju „Bed & Breakfast“ usluga, izgradnji površina i infrastrukture za kampiranje u gornjem toku Krivaje na potezu Ribnica - Maoča. Kao poseban turistički proizvod izdvaja se Krivaja-rafting, koji se zahvaljujući potencijalima rijeke Krivaje organizira više od decenije i koji je postao tradicionalan.

### EKOTURIZAM

Park obiluje prirodnim fenomenima, od endemskog Bosanskog ljjana, najvećeg bh. bršljana, preko endemske biljka Gregersenove mlječike (koja se nalazi na međunarodnoj crvenoj listi ugroženih biljnih vrsta) pa sve do dvije nove životinjske vrste jedinstvene u svijetu: vrste stonoge i pećinske mokrice. Šuma obiluje životinjskim vrstama poput medvjeda, lisica, vuka, jelena, zečeva, divljih mačaka, veprova i lještarki. U pećinama obitavaju šišmiši, koji su ugroženi u Evropi, kao i crni medvjedi.



Fenomen **KAMENIH KUGLI** rijedak je u svijetu. Osim Kostarike i Meksika, nalaze se i u BiH. Na području općine Zavidovići pronađeno je oko 50 kamenih kugli na 11 različitih lokacija. Najveći broj, preko 20, nalazi se u selu Grab, udaljenom 2 km od Zavidovića.

### RELIGIJSKI TURIZAM

**Manastir Vozuća** je spomenik srednjovjekovne arhitekture. Izgrađen je ispod planinske kose Stolovaš, a prema narodnom predanju zadužbina je Nemanjića. Prvi pisani podatak potiče iz 1617. godine u dokumentu koji se nalazi u manastiru u Žitomislićima, a na osnovu koga se može pretpostaviti da nastao krajem 16. ili početkom 17. vijeka.

**Džamija u Rujnici** izgrađena je 1903. godine, u selu Kurtiće, u podnožju planine Ozren i bila je u upotrebi do 1918. godine, kada je prenesena u selo Rujnice. Džamija je funkcionirala do 1934. godine i danas je kao uspomena na nju sačuvana drvena munara. Godine 2007. proglašena je nacionalnim spomenikom.